

P. 97, L. 2【三忍】一、耐怨害忍，能耐忍有情怨敵之惱害者。二、安受苦忍，能安受非情寒熱等之苦楚者。三、諦察法忍，又云無生法忍，不起忍等。諦觀真理而安住於無生之理者。前二者為耐忍之忍，後一者為信忍之忍，似稍異，然決定而不動心之義則同。唯識論九曰：「忍有三種：謂耐怨害忍，安受苦忍，諦察法忍。」～《佛學大辭典》《法華經大成》卷1：「忍有三種。閑林幽谷。惡人惡獸。忍耐無瞋。**生忍**也。自節守志。艸衣木食。**苦行忍**也。為求佛道。不樂小果。**第一義忍**也。作比丘。苦行也。獨處閑靜。生忍也。樂誦經典。第一義忍也。宋徽宗時。歐陽修客洛陽。遊嵩山。自至一寺。入殿。見一僧誦經。修舉手欲語。僧毫不顧視。修異之。少頃經歇。問曰：何經？曰：法華。又曰：住山久乎？曰：甚久。又問：古之高僧臨終自在。何道致之耶？曰：定慧力耳。曰。今時何得寂寥？曰：古之人。念念在定慧。臨終安得散亂。今之人。念念散亂。臨終安得自在。修不覺跪地矣。此靜處誦經服人者如此。」(X32,p.373,c23-p.374,a9)《法華文句記》卷3〈釋序品〉：「若分三忍對四教者，生忍、苦忍別在初教，通為四境，何人不須具此二耶？別在地前，求佛道者，此中雖無，但準例說。次文即以誦經為第一義者，若不求佛，忍不關誦，故以誦經同求佛道。第一義忍，通亦在三，別唯圓別，故令三句，諸教不同。」(T34, p.200,c13-19)

P. 97, L. 5【雪山苦行】釋尊在過去世修菩薩道時，於雪山苦行，謂之雪山大士，或曰「雪山童子」。涅槃經十四曰：「善男子！過去之世，佛日未出。我於爾時作婆羅門，修菩薩行。（中略）我於爾時住於雪山。其山清淨，流泉浴池，樹林藥木，充滿其地。（中略）我於爾時獨處其中，唯食諸果。食已，繫心思惟坐禪，經無量歲。」止觀二曰：「雪山大士絕形深澗，不涉人間，結草為庵，被鹿皮衣。」～《佛學大辭典》

P. 97, L. -7【世間淨禪】《起信論疏筆削記》卷19：「天台明諸禪定總為三。一世間禪。二出世間禪。三出世間上上禪。世間復二種：一世間味禪。即四禪、四無量、四空定也。（凡夫外道以六行觀修之，所謂厭下苦麤障，欣上淨妙離，但以隱沒故、有垢故、無記故，名為味禪。）二世間淨禪。即六妙門、十六特勝、通明禪。（但以不隱沒故、無垢故、有記故，與上相反。謂佛弟子修之有觀，慧不味著，境界分明，故名淨禪。）二出世間禪有四。一觀禪。謂九想、八背捨、八勝處、十一切處。二鍊禪。謂九次第定。三熏禪。謂師子奮迅三昧。

四修禪。即超越三昧也。三出世間上上禪有九。謂自性禪、一切禪、難禪、一切門禪、善人禪、一切行禪、除惱禪、此世他世禪、清淨淨禪。」(T44,p.402,c24-p.403,a4)《妙法蓮華經文句》卷3〈序品〉：「第五，兩行問禪，前一行問修根本禪，後一行問修出世上上禪，通途皆得有根本之修也。」(T34,p.31b16-18)《法華文句記》卷3〈釋序品〉：「今文語略，但云「出世上上」及以「根本」，根本即三藏，出世即通教，上上即別圓。又四教皆以根本為境，故釋前行，通涉諸教，於前行中云「離欲」者，通教也。又「根本」下，藏、通兩教也，此兩皆修根本背捨等故。」(T34,p.201a1-5)

P. 97, L. -6【離欲】《妙法蓮華經文句》卷3〈序品〉：「離欲者，若離欲得五通，通教定也。又根本本離欲，背捨亦修不淨等離欲，別教兼離二乘欲，中道又離順道法愛欲(云云)。深修禪定者，發初禪一品，此定未深，乃至九品，傳傳為深。又背捨、九定、八勝、十一切入等，傳傳為深，此定轉變自在，能發諸通。凡夫但五通，二乘具六，別教菩薩讓佛，分有無漏，亦但稱五通也，圓教初後皆具六通。」(T34,p.31b18-26)《法華文句記》卷3〈釋序品〉：「重釋深修者，由深修故離欲不同，則根本中亦應傳傳為深故也。」(T34,p.201a7-9)

離下界煩惱→得根本初禪。(淺)	} 藏教	(其中有四禪→四空定)
離有頂欲→得滅盡定。(深)		
離涅槃法愛(二乘)→離出假法愛(菩薩)(淺)	} 別教	(略通教淺深)
惟離二邊欲→離中道順道法愛。(深)		

若一離一切離，圓伏圓修，乃名為深。→圓教。

P. 97, L. -6【不起滅定。現諸威儀】《妙法蓮華經文句》卷3〈序品〉：「安禪萬偈下，第二，一行，明上上禪，此是別、圓之禪，靜散不相妨，不起滅定，現諸威儀；如修羅琴，不拊而韻，無緣無念，有感則形，故能安禪讚佛也。」(T34,p.31b26-c1)《法華經授手》卷1：「安禪。內心已寂。合掌。外貌必謹。復以偈讚法王。亦定深成就也。」(X32,p.623,c2-3)灌頂《觀心論疏》卷1：「今雖觀空而不虛。鑒有而不實。鑒有而不實。故照而常寂。即動而常靜故。不於三界現身意也。觀空而不虛。即寂而常照。亦是靜而常動。即不起滅定現諸威儀。是則照而常寂則非有。寂而常照則非無。是則非有非無。非寂非照。名為中道。即首楞嚴三昧也。所以淨名將圓觀首楞嚴定。彈於身子宴坐不成。即是盲禪無所見也。」(T46,p.590,c22-29)